

docriver 文川网
古籍书城
入驻商家
获取更多电子书
在文川网搜索古籍书城

中國方志叢書·華中地方·第三四二號

據

清·陳樹南修，錢光奎纂
光緒八年刊本

影印

湖北省

咸寧縣志

(一)

成文出版社有限公司印行

sk36103

K29
1-8:9
10



K29
14819
34221

中國方志叢書·華中地方·第三四二號

據 清·陳樹南修，錢光奎纂
光緒八年刊本

影印

湖北省

咸寧縣志

(二)

S/436/03

成文出版社有限公司印行



k29

4819

3423

sk36/03

湖 北 省

咸 寧 縣 志

(三)

成文出版社有限公司印行

中國地方志叢書·華中地方·第三四二號

據

清·陳樹南修，錢光奎纂
光緒八年刊本

影印



10096900

docsriver 文川网
入驻商家 古籍书城

在文川网搜索古籍书城 获取更多电子书

中華民國六十五年 月壹一版

咸寧縣志

全三冊

發行人：黃 成 助

出版者：成文出版社有限公司

台北市郵政信箱二二六〇五號
台北市羅斯福路三段二四〇巷五號

印刷者：成文出版社有限公司

內政部登記證內版台業字第一一四七號

張國新印

李氏耕末
正午
火

原稿缺

原稿缺

原稿缺

大正...

厚
一
絲
掛

續輯邑志序

奎旣窮且老濩落無所用栖遲望雲山莊不與人世事
久矣歲壬午邑續輯志乘齒及於余余不文奚能爲役
而諸君子見委之意則殷甚也請於筱園陳侯侯遷延
午峯余子首室章子同司載筆弗獲固辭因思方志之
書風教係焉苟有可盡之心力不得謂無責於其身倘
朝廷之政教弗紀賢司牧治行弗傳鄉先正勲業文章弗
耀忠臣孝子貞烈義婦之卓行苦節弗彰是邑之陋亦
士大夫之略也豈特山川景物韻事芳蹤踏沒銷沉爲
可流連而嗟嘆哉余是以勉而承之頃志告成矣諸君

子又謂余宜有言以揭諸簡端則謹爲之序曰前事之不亡後事之師也咸割江蒲置邑宋元無志志自明天順學博伍公始是歲亦壬午也鄉先達孟公五峯繼修之逮國朝耐菴王公又哀輯之近愚溪陳君復據王志爲藍本編次成書今惟孟志亡耳餘皆具在余何庸贊一詞然攷成都古華陽國志趙清獻剛修爲集記矣王恭簡公復輯續記范石湖胡長文相繼撰丙丁二記一書經數人之手往往然也爰竭一得之愚立體裁具徵啓發凡舉例博訪周諮取前志之存者互相參訂考之通志郡志以決所疑旁稽江蒲志以證同異善者因

之訛者校之繁者芟之脫遺者補之失次者序之事以類分例以義立類例之端各著臆說蕭規曹隨十九多沿前志若知之有未至編之有未及者自知不免也其有待於後之君子乎余滋愧矣余行自念也在昔太史公作史記而唐司馬貞探摭異聞爲索隱歐陽修著新唐書而吳縝又撰糾繆外如吳仁傑之兩漢刊誤補遺陶宗之五代補錄皆以正原書之失而人推其有功於作者余何人斯敢希往哲但自秉筆以來實事求是校讐繕寫亦身任之年已七十矣日不暇給率夜漏下四十刻一燈炯炯慘淡經營雖乏史家之長而得失審寸

心惟恐有負委任區區之衷竊願與諸君子共質之惜
午峯事未及半司鐸沔南暮雲春樹未得樽酒細論遺
舛之咎其得而辭諸則亦聽其罪我與知我而已少白
錢光奎序

續輯邑志序

志者史家之支流也自班孟堅漢書有志陳承祚遂名
三國全史志輿地者三輔黃圖爲志畿輔之始元和郡
縣志爲一統志之始吳郡圖經爲郡志之始鄴錄爲邑
志之始自是州邑皆各有志統疆域建置田賦學校官
師人物藝文之屬觀縷襞績用備郡志通志一統志裁
擇而太史氏亦得所依據以爲討論之資甚盛典也自
來稱述卓卓者郡推姑蘇邑推武功王康二公本良史
才宜其所作雄視百代矣然王志當時卽有訾議康亦

見譏後世志豈易言作哉夫人非博通今古具知人論
世之識未許以廁著作之林否則率爾操觚而欲秩紀
繆而免嘲訕難已咸立縣始南唐保大厯宋元數百年
紀載無徵明天順時學博伍君始創爲之繼以萬厯孟
公 國朝康熙時王公同治時陳公成書具在惟孟忠
定所纂徧摻無得今去丙寅才十有七年疑若可以已
者恭逢督撫各大憲編纂通志檄咸采訪邑尊陳公筱
園以屬不佞不佞忝邑人士謀焉僉曰丙寅志視前此
備矣顧訛漏亦所時有不及此釐正沿襲益久補救奚

docsriver 文川网
入驻商家 古籍书城

在文川网搜索古籍书城 获取更多电子书

從爰踴躍籌資推錢子少白董其事不佞與焉章子蘭
望董子雨三先後載槩鉛以從夫咸縱橫不及百里截
江蒲東西偏而邑之南唐逮今千餘歲矣伍孟諸公歷
加纂輯尙待撥拾不佞雖苦心摻訪而地處窮僻家少
藏書先民事實挂漏詎免矧兼資采訪者固多實事求
是而從不加意與瞻徇世故亦豈必無惟將無作有以
僞亂真不佞確有見聞則不敢以阿所好編次未就忽
奉司鐸沔陽之報不獲及躬告成是用耿耿然千慮一
得竊欲獻封菲以曉方來而荒疏陋劣尤望後君子匡

所不逮則非徒不佞之幸也已

邑人余益杞午峯氏謹撰

續志敘

邑舉人章列侯蘭室

自丙寅至今壬午纔十有七年耳志胡以續曰 上臺
之檄催嚴也前志所未及者當補入也夫咸雖小邑而
實四通八達之區山川形勝人物奇特仙釋隱逸才媛
貞女節烈婦之表著城池郵舍戶口賦役之繁重古蹟
市鎮陂塘寺觀土產之衆多人傑地靈指不勝屈見諸
紀載者不綦可考哉然自唐宋以迄元明兵火頻仍邑
志難云全備明時學博伍公輯之於前邑令王公元炳
邑紳少司農孟公義甫至 國朝康熙間何毅菴大令
與邑紳王禹錫前輩兩續於後亦云善矣但年湮世遠

考証難週卽藏書家所存字迹亦多漫漶兼以蠹蝕鼠傷簡斷編殘令人悵悵同治丙寅邑紳陳愚溪廣文張介農別駕業重加纂訂付剞劂以垂後歲壬午上臺復修省志檄咸再輯邑乘邑侯陳筱園夫子已迺余午峯孝廉錢少白明經理其事後以侯自天邑岳江書院歸適賦閒居促侯共理遂不獲辭而載筆從事竊以邑之有志也猶國之有史也史與志事同而實異史有褒貶志第錄其事蹟可爲勸導者彰明之而劣迹遺行采訪者不登諸手冊纂輯者亦無事搜求此其所以異也然而其事有甚難焉者節孝生人所重取之寬則易

濫繩之過則近刻非質乎人心之所同然折衷諸義理
之至當未易云善由是以思修志之難也不難於考覈
之精而難於斟酌之善不難於發微闡幽而難於循名
核實有一事之未妥則於心不安有一語之未安則於
眾不協卽譽之不以爲是笑之不以爲非矣而風化所
關前無以昭彰往哲後無以感發來者則亦安用秉筆
爲敘而不泛簡而能該此其所以難也昔曾子固有言
知信乎古而不知合乎世知志乎道而不知同乎俗今
茲志之修其信乎古耶其合乎世耶其志乎道同乎俗
耶是難逃有識者之鑒矣志成聊附數語於簡端而共

證焉

明萬曆乙巳志序

孟養浩 邑人

咸故無志天順間博士伍君嘗屬草焉今百五十年矣
磨滅漫漶不復可識薦紳先生難言之萬曆甲辰關中
王侯來蒞咸甫下車卽詢邑志慨文獻之無徵毅然身
肩其任而以載筆屬予予最款啓乏三長不爛於史蹟
以邑人習邑事義不得辭也乃稍檢舊志參之楚史證
以老更所誦說彙爲六卷各千萬言夫志郡邑之史也
史以綜天下之故而志以據一隅之實皇華遣使周爰
咨度太師陳詩觀采風謠太史奏而記之以存往蹟鏡
方來陳得失之林昭懲勸之公志尤史之權輿胡可廢

也咸地禘小才當于男三之一又其建最後唐宋而上
無聞焉孔子不云乎吾猶及史之闕文也夫信信信也
疑疑亦信也吾徵其信者而闕其疑焉故於宋元而略
也吾不敢誣也於明而獨詳也吾不敢佚也是故仰瞻
天度俯察地宜形著於下象見於上精禳相摩氣類相
召天人之際如鼓答桴無不應也熊繹受封于紅胙鄂
罷侯置守分領併隸爲鎮爲縣詘伸代謝譬之置棋不
常所治我是以有星野方域之表山厚象仁川虛象智
瀨氣盤鬱烟光浩渺地紀人文其致一也王公設險與
民守之乘輿濟人君子譏焉向明出治非壯麗無以示

威興賢育才虞庠周雍不見異物而遷斯爲土矣我是
以有山川城池津梁公署學校之籍厥土塗泥火耕水
耨皆蠶偷生民鮮積聚承流之使冠蓋相望置郵如綫
疲於奔命我是以有田賦郵傳之紀法施於民以死勤
事非此族也不在祀典聖哲之變仙釋間出緇衣黃冠
其麗不億青牛白馬之談猶河漢而無極哉我是以有
壇祠之錄豈弟君子德音不遐召棠故址峴淚堪揮高
山仰止典型猶存我思古人雖百世之上悛然如將見
之矧生同其地者乎我是以有宦蹟名賢之傳惟鄉三
物論定後官匹夫有善可得而舉也里選旣涇科貢斯

開射覆爭奇得雄者王士生斯世卽莘巖有側注進耳
我是以有仕籍之考江漢化行莫不靜好柔嘉維則聖
善之儀雖元堂旣闕而彤管猶芬我是以有淑媛之述
在則八亡則書識大識小惟愛則傳媚竈諛墓之詞不
足存也我是以有藝文之輯孔子有言吾志在春秋彼
隱桓之際則章定哀則微爲其有所刺譏也夫褒諱挹
損之文吾何敢知要以抉其幽微正其譌舛芟其繁蕪
增益其所未備闡前詰之清徽俟後人之可信則知我
罪我有斯志在矣夫王侯蒞咸未闔月嚴保甲清積蠹
諸善政且次第畢舉余拭目俟之而茲獨先其大者是

可以觀志云

明萬曆乙巳志序

趙邦柱邑

聞之墨子曰吾觀百國春秋蓋國不乏史云自秦罷侯
置守令而郡邑之志與家國二史並垂國史善誣家乘
善溢夫其經緯天地原本山川苞孕民物恩者不得譽
而怨者無所修其鄰則郡邑之志憂憂乎難矣今言史
者徧宇內十室之邑靡不緗裘爛焉而吾咸獨否天順
問學博臨川伍君嘗紉爲之稱具草耳旋亦就剝蝕不
復可句學士大夫橫經而闕八紘問以邑事莫置對也
往予爲吾友義甫言古人尚友先自其鄉祀宋之事孔

子慨焉若任邑乘闕如何以令天下後世知有咸也義甫笑弗答居久之關中王侯進諸生知邑志湮佚狀爰謁義甫請焉義甫唯唯乃檢舊志什一益以耳目所覩記彙爲六卷踰月而告成事於是王侯殺青走使白下而屬敘於予予蹶然起曰吾志也而大夫成之耶居今之世志古之道所以自鏡也咸地褊小割江蒲東西偏而邑之蒞之以令尉董之以師儒一邑之山川民物天喬煥動恠瑋之態具焉觀政則餘澤猶芬考德則高山在望熒行徽言星列滿目迹其遺事想見其爲人無乃儻然而有企心而仰止思齊以庶幾昔人於今日則是

docsriver 文川网
入驻商家 古籍书城

在文川网搜索古籍书城 获取更多电子书

編之大有造於咸也昔王仲宣記英雄欲以其時重於古荆楚傳先賢欲以其地重於天下春秋云邁陵陸已遷而二書之存猶若琬琰其色而傳之響子桓氏云文章不朽誠非虛也矧一邑鉅典千秋鴻業賢師帥實執牛耳而鄉之名卿偉人奉槃盂從之組繡其舌金石其指以圖寫人紀明章天化爲萬世規有不美愛可傳流庶千禩者乎不佞浮沈郎署匏繫白門未由擲管從義甫後效千慮之一覩是編怦怦然心動焉夫自是而咸之人知有其鄉與天下後世之知有感也則是編在矣王侯諱元炳陝之蒲城人義甫諱養浩邑人

康熙乙巳志序

知縣何廷韜

居今而卓然具千古之識能斷然衡千古之事者誠賴有文獻之傳也文獻傳而故典備故典備而一代之史彰矣史雖

國書而其成必資郡邑之志以邑統於郡郡統於省省統於京師故大一統

聖天子車書全盛之模而守庶邦者牧伯師尹宣化中外之職也自郡而下凡在屬邑志可不詳具歟然邑志之作必參以野史方言之紀載故老隱碩之傳聞徵信也信則公公則信今而可以傳後甲辰秋九月韜奉